

Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 29. november 2013-imeersoq (Nunat tamat aalisarneq pillugu isumaqatigiissutaat naapertorlugit aalisarnerup akitsuuteqartinneqannginneranik erseqqissaaneq kiisalu piffissap akitsuummik akiliisussaataaaffiup atuutilerfiata aammalu isertitat allanngorarnerat eqqarsaatigalugu naatsorsuinermi tunngaviusumik allanngortitsinerit) Atuussimasoq (Historisk)

§ 1

Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaanni nr. 11, 3. december 2012-imeersumi makku allannguutigitinneqarput:

1. § 1, imm. 2, ima oqaasertaqassaaq:

” Imm. 2. Naalackersuisut aamma nunami maani, nunalluunniit allat sinnerlugit oqartussaasut aalisarneq pillugu isumaqatigiissutaat naapertorlugit aalisarneq inatsimmi matumani pineqanngilaq.”

2. § 2 ima oqaasertaqassaaq:

” § 2. Akitsuummik akiliisussaataaneq atuutilissaaq piffissami pisat pisarineqarfianni.”

3. § 3, imm. 3, oqaaseqatigiit siulliit, ima oqaasertaqassapput:

”Qalerallit akiisa allanngorarnerannut tunngaviussaaq qalerallit Danmarkimiit nioqqutigineqarneranni aamma nunanut allanut tunineqarneranni akit allanngorarnerat.”

§ 2

Inatsit 1. januar 2014-imi atortuulissaaq, atuutissallunilu qaleralinnut 1. januar 2014-imi kingusinnerusumiluunniit pisarineqartunut. Qalerallit 2013-imi 1. januarimiit 31. decemberimut pisarineqartut kingusinnerpaamik 31. marts 2014-imi nunanut allanut tunineqartutut inummulluunniit pingajuusumut tunineqartutut isigineqassapput.

Namminersorlutik Oqartussat, ulloq 29. november 2013

Aleqa Hammond